

Noo, Menssen will ick ou vertellen hört et knapp,
wie et Christkind is geboren, un dat up Bokels Platt!

De Wiehnachtsgeschichte

Et was Winterdach un beestig kold,
nix gow et te stocken, kinn Kolle kinn Holt,

To de Tied was et genau,
dat Timmermanns Jupp noa Betlehem möss met
Maria, sin Frau!

Kaiser Augustus, denn woll nämlich wetten genau,
wenn in sin Land wonnt, jedes Mannsmennse met
Frau.

Dat was för Maria ne grote Last,
weil se van et erste Kind in Umständen was.

Et Nödigste bunden beide in en Bühl,
se wassen recht arm un hadden net völl.

So trocken se up en Äsel dör dat natkolde Weer,
gerade ut noa Betlehem her.

Den Wech was witt öwwer dat Land,
Jupp heel Maria faste an de Hand.

Dann endlich wassen se annekommen,
doch et kem anners as annenommen.

Et was all late oawend, un de Sterne blinken,
drejmaol dän de Wirte Jupps Froage no ne Kamer
aßwinken.

De Stadt was vull van Menssen und de Kamers so ok.
Den letzten Wirt vertellen de beiden van ne Stall in en
Hook.

Butten för de Stadt van Betlehem dann,
kemen de beiden möh van öere Reise doar an.

Maria, de wuss doar all,
wat in düsse Nacht passierne sall.

De Hande gefohlt und mit ruhige Stimm,
lach se sick to Niederkunft hen.

Weil unsen Gottvader dat so will,
wott et ne kotten Moment ganz still. ----

Den Heiland is geborne, wat en Sägen för unse Welt.
Net as König, sondern klein as Kind ohne Macht
und Geld.

Woar dat Kind heeten sall?
JESUS-dat wuss Maria dör denn Engel all.

Geborne, ass ne söten Schnöj,
lach Maria Jesus sachtekes in de Krippe met Heu.

Völle Lecht was up eens, neet bloos in den Stall,
up de ganze Welt, et was öwerall!

De Schöpers up de Weiden wassen ganz verschrück,
dat Lecht was so hell, vernewwelt den Blick.

Den Engel vertellen met en grot Halleluja „Et ist woar,
Schöpers werd wakker, denn Heiland ist doar“
Van de Weiden leepen se flott,
üm te sehen, wat eschenkt uns unsen Vader Gott.

Annekommen gingen de Schöpers up de Knee und
meken sick klein. De Engelkes sunge so friedlich und
fein.

Se songen so moj in een grooten Chor,
Ihr Kinderlein kommet, denn Heiland ist doar!

Drej Könige ut dat Morgenland folchten denn Stern,
se wollen oke sehn dat Christkind gern.

So was et en paar Dage noa de Hillige Nacht,
dat dat Christkind mit rieke Gaben wott bedacht.

Engels, Könige, Knechte un rieke Löh
fehlen för Andacht up de Knee.

Üm te seehne wat in de Krippe lach,
un ebrocht den Wiehnachtsdach!

So fiert wej düsse hilligen Dage Joahr vör Joahr,
un wenn wej net tesamen wessen könnt
ist trotzdem kloar, dat jederene kann met sien Don
und Denken, andere Mensen got to wassen und
Freude schenken.

Frohe Wiehnachten an ou alle

Oue Spölschar Mussum

